

21	04	0024				Univerzitet u Sarajevu - Stomatološki fakultet sa klinikama	
21	04	0024	6112	LDA0B8	094	Naknade za regres za godišnji odmor	465
21	04	0026				Univerzitet u Sarajevu - Veterinarski fakultet	
21	04	0026	6112	LDA0C8	094	Naknade za regres za godišnji odmor	673
21	04	0027				Univerzitet u Sarajevu - Institut za genetičko inženjerstvo i biotehnologiju	
21	04	0027	6112	LDA0D3	094	Naknade za regres za godišnji odmor	715
21	04	0029				Univerzitet u Sarajevu - Institut za istraživanje zločina protiv čovječnosti i međunarodnog prava	
21	04	0029	6112	LDA0E3	094	Naknade za regres za godišnji odmor	257

2. Ovim Zaključkom stavlja se van snage Zaključak Vlade Kantona Sarajevo broj 02-04-31840-2/20 od 20.08.2020. godine.
3. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-31902-1/20
20. augusta 2020. godine
Sarajevo

Premijer
Mario Nenadić, s. r.

Ministarstvo unutrašnjih poslova Kantona Sarajevo

Na osnovu člana 21. stav (2) tačka e) i stav (5) tačka a), a u vezi sa članom 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19) i Poglavlja III, stav 1., tačka 20. Smjernica za uspostavu i jačanje interne kontrole kod budžetskih korisnika ("Službene novine Federacije BiH", broj 19/05), na prijedlog policijskog komesara, ministar unutrašnjih poslova Kantona Sarajevo donosi

INSTRUKCIJA

O IZGLEDU, OBILJEŽAVANJU, OPREMI U VOZILU, REGISTRACIJI I KORIŠTENJU VOZILA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

DIO PRVI - OPĆE ODREDBE

Član 1.
(Predmet)

Ovom instrukcijom utvrđuje se izgled, obilježavanje, oprema u vozilu, registracija i korištenje vozila Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), kao i druga pitanja od značaja za navedenu oblast.

Član 2.
(Definicija vozila)

- (1) Vozilom se, u smislu odredbi ove instrukcije, smatraju motorna vozila koja se koriste za obavljanje poslova i zadataka iz nadležnosti Uprave policije propisanih odredbama člana 20. Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19, u daljnjem tekstu: Zakon), kao i svako vozilo čiji je vlasnik Uprava policije i vozilo koje se nalazi na korištenju u organizacionim jedinicama Uprave policije na osnovu prava vlasništva, posebnog ugovora o korištenju, ugovora o zakupu, ugovora o lizingu, posebne odluke nadležnog organa ili po drugom zakonom propisanom odnosu (u daljnjem tekstu: vozilo).

- (2) Izuzetno od odredbi stava (1) ovog člana, vozilima se smatraju i bicikli koji se koriste za obavljanje službenih poslova i zadataka, kao i službene motorne sanke kada se koriste u skladu sa odredbama Zakona o javnim skijalištima ("Službene novine Kantona Sarajevo", broj 54/12).

Član 3.

(Vozila Uprave policije)

Motorna, priključna i druga vozila Uprave policije prema odredbama ove instrukcije su:

- vozila sa policijskim obilježjima,
- vozila sa djelimičnim policijskim obilježjima,
- vozila bez policijskih obilježja i
- specijalna vozila.

Član 4.

(Način korištenja vozila)

Policijski komesar Uprave policije (u daljnjem tekstu: policijski komesar), osigurat će da se vozila koriste na pravilan i zakonit način, kao u skladu sa odredbama ove instrukcije.

Član 5.

(Ovlaštena lica za korištenje motornih vozila)

Vozilima iz člana 2. ove instrukcije upravljaju i održavaju ih policijski službenici, državni službenici i namještenici koji su postavljeni i raspoređeni na radnim mjestima u skladu sa važećim Pravilnikom o unutrašnjoj organizaciji Ministarstva unutrašnjih poslova Kantona Sarajevo (u daljnjem tekstu: pravilnik).

DIO DRUGI - OBILJEŽAVANJE VOZILA I IZGLED OBILJEŽJA

Član 6.

(Obilježavanje vozila i izgled obilježja)

- (1) Vozila Uprave policije, u skladu sa odredbama ove instrukcije, obilježavaju se na sljedeći način:
- vozila sa policijskim obilježjima iz člana 3. tačke a) ove instrukcije:
 - obojena su bijelom osnovnom bojom. Bočne strane vozila kao i dijelovi prednjeg i zadnjeg dijela vozila se obilježuju nereflektujućom folijom sivo-crne boje, koja je oivičena crvenom isprekidanom reflektujućom trakom, na središnjem dijelu poklopca motora nalazi se policijska značka propisana važećim posebnim propisom Vlade Kantona Sarajevo o obliku službene policijske iskaznice i značke za policijske službenike (daljnjem tekstu: policijska značka), u vidu samoljepljive reflektujuće folije koja je srazmjerna veličini

- poklopca motora u zavisnosti od konstrukcije vozila,
- 3) policijska značka se nalazi na bočnim i na zadnjoj strani vozila u manjim dimenzijama u odnosu na znak na poklopcu motora, srazmjerna veličini dijela vozila na koji se postavlja,
- 4) na poklopcu motora, ispod donje strane policijske značke i srazmjerno veličini poklopca motora, nalazi se natpis "POLICIJA", a koji je suprotan boji podloge, ispisan u pismu "Swiss com pressed-bold". Slovno obilježavanje "POLICIJA" se nalazi također na bočnim stranama vozila i na zadnjem dijelu vozila i srazmjerno je veličini dijela vozila na koji se stavlja,
- 5) na zadnjoj i bočnim stranama vozila ispisan je broj pozivnog centra "122" u odgovarajućoj veličini, korištenjem reflektujuće folije,
- 6) reflektujuća folija treba da pruža vidljiva obilježja vozila u prilikama smanjene vidljivosti, te mora biti postojana i izdržljiva na vremenske uticaje, kao i pranje i stalno korištenje vozila,
- 7) sve postavljene folije se presvlače zaštitnom bezbojnom folijom, koja će obezbijediti postojanost i duži vijek obilježja na vozilima i
- 8) garancija za postojanost postavljenih folija kojima se obilježavaju vozila policije mora biti minimalno četiri godine.
- b) vozila sa djelimičnim policijskim obilježjima iz člana 3. tačke b) ove instrukcije obilježavaju se na sljedeći način:
- 1) na središnjem dijelu poklopca motora simetrično je postavljena policijska značka u vidu samoljepljive reflektujuće folije, koja je srazmjerna veličini poklopca motora u zavisnosti od konstrukcije vozila,
- 2) na poklopcu motora, ispod donje strane policijske značke i srazmjerno veličini poklopca motora, nalazi se natpis "POLICIJA", a koji je suprotan boji podloge, ispisan u pismu "Swiss com pressed-bold". Slovno obilježavanje "POLICIJA" se nalazi također na bočnim stranama vozila i na zadnjem dijelu vozila i srazmjerno je veličini dijela vozila na koji se stavlja,
- 3) na zadnjoj i bočnim stranama vozila ispisan je broj pozivnog centra "122" u odgovarajućoj veličini, korištenjem reflektujuće folije.
- c) vozilima bez policijskih obilježja iz člana 3. tačke c) ove instrukcije smataju se sva druga vozila koja koristi Uprava policije, a ne posjeduju bilo kakva obilježja ili uređaje.
- d) specijalna vozila iz člana 3. tačke d) ove instrukcije obilježavaju se na sljedeći način:
- 1) na prednjem dijelu je postavljena policijska značka, ispod koje se nalazi natpis "POLICIJA", u vidu samoljepljive reflektujuće folije čija je veličina srazmjerna konstrukciji vozila, dok na zadnjoj i bočnim stranama vozila mogu imati natpis "POLICIJA", ispisan u pismu "Swiss com pressed-bold", u odgovarajućoj veličini,
- 2) specijalna vozila mogu imati ugrađenu i policijsku, svjetlosnu i zvučnu signalizaciju i sistem radio-veze i
- 3) specijalna vozila mogu imati i druge uređaje i opremu (zaštitne ograde, uređaje za izbacivanje vode pod pritiskom, opremu za uklanjanje prepreka, za zaprečavanje prolaska lica i dr.), u skladu sa posebnim propisom kojim je regulisan način i postupak upotrebe i pravdanja sile.
- (2) Vozila iz stava (1), tač. a), b) i c) ovog člana, mogu imati ugrađene uređaje za registrovanje prekršaja vozila u saobraćaju, te policijsku svjetlosnu i zvučnu signalizaciju i sistem radio-veze.
- (3) Vozila iz stava (2) ovoga člana sa ugrađenim uređajima za registrovanje prekršaja vozila u pokretu, mogu imati i uređaj za ispisivanje naredbi vozačima, smješten na zadnjoj polici, ispod stražnjeg vjetrobranskog stakla ili na drugi odgovarajući način.
- (4) Vozila koja se koriste u otkrivanju prekršaja i krivičnih djela, zaštiti određenih ličnosti, kao i u drugim opravdanim slučajevima, mogu imati zatamnjena vjetrobranska stakla do 90%.
- Član 7.
(Obilježavanje motocikala, mopeda, bicikala i motornih sanki)
- (1) Motocikli, mopedi, bicikli i motorne sanke, koji se koriste u Upravi policije, obilježavaju se policijskom značkom, u veličini koja je u srazmjeri ovoj vrsti vozila, koristeći proporcionalno umanjene parametre u zavisnosti od konstrukcije vozila.
- (2) Vozila iz stava (1) ovog člana obilježavaju se reflektujućim folijama, koje se lijepe na način da linije postavljenih folija prate izvedbene linije vozila, te ukoliko su označena sa policijskim obilježjima imaju svjetlosnu i zvučnu policijsku signalizaciju, koja je ugrađena na prednjoj i zadnjoj strani vozila.
- (3) Vozila iz stava (1) ovog člana sa policijskim obilježjima mogu imati postavljenu policijsku značku odgovarajuće veličine, osim na prednjem dijelu, na način kako je to opisano u stavu (1) ovog člana i policijsku značku sa obje strane rezervoara za gorivo ili sa obje strane prednjeg dijela štitnika, te mogu biti opremljeni plavom teleskop lampom (rotaciono svjetlo).
- (4) Reflektujuća folija iz stava (2) ovog člana, treba da omogući vidljiva obilježja vozila u prilikama smanjene vidljivosti, te mora biti postojana i izdržljiva na vremenske uticaje, kao i pranje i stalno korištenje vozila. Sve postavljene folije se presvlače i zaštitnom bezbojnom folijom koja će obezbijediti postojanost i duži vijek obilježja na vozilima.
- (5) Garancija za postavljene folije, kojima se obilježavaju vozila, mora biti minimalno četiri godine.
- Član 8.
(Oprema u vozilima)
- (1) Vozila sa policijskim obilježjima, moraju imati:
- a) ugrađen uređaj za davanje zvučnih znakova i signalizacije (elektronsko pojačalo) u nizu tonova različitih visina s mikrofonskom kombinacijom. Uređaj mora da ima mogućnost govora preko mikrofona, kao i regulaciju jačine zvuka,
- b) policijsku svjetlosnu signalizaciju ugrađenu na najvišem dijelu vozila i to:
- 1) svjetlosni blok je sastavljen od modula sa LED diodama (linearne diode) koje daju crvenu/plavu ili plavu/plavu svjetlost,

- 2) tijelo svjetlosnog bloka mora biti izrađeno od čvrstog materijala koji može da zadovolji stalnu upotrebu kao i stalne vremenske uticaje,
 - 3) svi moduli unutar svjetlosnog bloka moraju biti pristupačni i izmjenjivi. Obavezna je vodootpornost svjetlosnog bloka koja će se osigurati gumenim zaštitama na spojevima,
 - 4) na središnjem dijelu čeonog strane potrebno je da svjetlosni blok ima ugrađene svjetlosne led diode "Alley modul" (ulični modul), koji omogućava policijskom službeniku osvjetljavanje prostora sa bočnih strana,
 - 5) svjetlosni blok je putem kabla povezan sa upravljačkom konzolom unutar vozila, kojim se vrši upravljanje svjetlosnom signalizacijom. U svjetlosnom bloku je integrisan i zvučnik za sirenu. Isti se postavlja na nosačima koji se vezuju sa vozilom na način da se karoserija vozila na bilo koji način ne oštećuje (bušenje rupa na vozilu ili mehaničke veze koje oštećuju lak i dr.). Nosači moraju biti otporni na vlagu, koroziju i vanjske uticaje,
 - 6) svjetlosni blok na vozilu može biti postavljen magnetima ili nosačima, koji koriste fabričke utore na vozilu, a da pritom ne oštećuju vozilo na gore opisane načine i
 - 7) dva izvora svjetlosti, koji mogu biti u kombinaciji crvene boje (na lijevoj strani vozila) i plave boje (na desnoj strani vozila) ili dva izvora svjetlosti plave boje su integrisana u krovnu konzolu na kojoj se s prednje i stražnje strane nalazi natpis "POLICIJA", koja može biti opremljena i uređajem s mogućnošću ispisa naredbi vozačima.
- (2) Vozila sa policijskim obilježjima, kao i vozila sa djelimičnim policijskim obilježjima mogu imati i LED blinkere/treptače koji se ugrađuju na prednjem dijelu vozila i to u unutrašnjosti maske sa dva modula sa šest dioda na integrisanim nosačima. Blinkeri/treptači su u plavoj i crvenoj boji kojima se može upravljati sa centralne konzole smještene u unutrašnjosti vozila. Napon blinkera/treptača mora odgovarati naponu vozila na koje se ugrađuju. Blinkeri/treptači zbog mjesta na kojem se nalaze smješteni su u odgovarajućem kućištu koji mora biti otporno na vanjske uticaje, koroziju, vlagu i dr.
 - (3) U vozila sa policijskim obilježjima i vozila sa djelimičnim policijskim obilježjima ugrađuju se mobilni-kolski sistemi radio-veza, a može biti ugrađena i druga oprema i uređaji koji su neophodni za efikasno izvršavanje poslova i zadataka i održavanje komunikacije.
 - (4) Vozila bez policijskih obilježja i specijalna vozila, mogu imati ugrađene blinkere/treptače u masci na prednjem dijelu vozila, dok se u dijelu ispod poklopca motora (koji dozvoljava nesmetano funkcionisanje vozila) montira zvučnik koji je povezan sa elektronskim pojačalom za zvučnu signalizaciju. Ova vozila na mjestu kontrolne table, prednjeg ili zadnjeg vjetrobranskog stakla, mogu dodatno imati i mobilne linearne LED treptače crveno-plave boje, koji se koriste po potrebi, a vezuju se putem silikonskih/gumenih učvršćivača.
 - (5) Garantni rok za svjetlosno zvučnu opremu i uređaje koji su prateća oprema je minimalno pet godina.

DIO TREĆI - REGISTRACIJA I KORIŠTENJE VOZILA

Član 9.

(Registracija motornih vozila)

- (1) Registracija motornih vozila iz člana 2. ove instrukcije, vrši se prema propisima o registraciji vozila u vlasništvu fizičkih i pravnih lica, koji se primjenjuju u Kantonu Sarajevo, prema adresi sjedišta Uprave policije.
- (2) Registraciju vozila u vlasništvu Uprave policije vrše uposlenici Auto-servisa Sektora za materijalno-finansijske poslove.

Član 10.

(Upravljanje vozilom)

- (1) Vozilom Uprave policije može upravljati uposlenik Uprave policije sa položenim vozačkim ispitom, odgovarajuće kategorije koja je potrebna za tu vrstu vozila.
- (2) Vozilom Uprave policije koje je obilježeno policijskim obilježjima, po pravilu, upravlja policijski službenik u uniformi.
- (3) Izuzetno od stava (2) ovog člana, policijski službenik koji službu obavlja u civilnom odijelu može upravljati vozilom sa policijskim obilježjima u slučajevima kada to odobri policijski komesar ili drugi rukovodni policijski službenik kojeg on za to ovlasti ili kada je to potrebno iz razloga hitnosti ili više sile.
- (4) Uposlenik koji upravlja vozilom Uprave policije odgovoran je za pravilnu upotrebu vozila, mora se brinuti o potrebnoj opremi i čistoći vozila, vodeći računa o primjeni mjera higijensko-sanitarne zaštite, te se pridržavati propisa u saobraćaju.
- (5) U vozilima Uprave policije nije dozvoljeno konzumiranje hrane, pića i cigareta.
- (6) Prije preuzimanja vozila, zaposlenik je dužan da provjeri da li je vozilo registrovano, posjeduje li odgovarajuću opremu i da li isto ima vidljivih oštećenja i nedostataka.
- (7) Prilikom preuzimanja vozila u slučaju da isto ima vidljivih oštećenja i nedostataka, uposlenik je dužan neposredno nadređenom rukovodiocu odmah prijaviti svaku vrstu štete, nedostatke i neispravnosti na vozilu, a na okolnosti uočenih oštećenja i nedostataka sačiniti poseban izvještaj i iste konstatovati u Tehničku knjižicu vozila i Evidenciju o korištenju motornih vozila.
- (8) Potvrda o registraciji, vlasnička knjižica i ključevi od vozila ne drže se u vozilu dok je parkirano i isti moraju biti na odgovarajući način deponovani i osigurani od neovlaštene upotrebe.

Član 11.

(Postupanje sa vozilom)

- (1) Uposlenik koji upravlja vozilom iz člana 2. ove instrukcije, dužan je da tim vozilom pažljivo rukuje i da nakon izvršenog službenog zadatka parkira to vozilo u garažu, odnosno na parking mjesto koje je predviđeno za to vozilo.
- (2) Prilikom korištenja vozila, uposlenik Uprave policije dužan je vozilo, ukoliko je to moguće, parkirati na prostoru koji je na određeni način osiguran sa mjerama fizičke ili tehničke zaštite ili ga osigurati na drugi pogodan način.
- (3) Uposlenik je dužan neposredno nadređenom rukovodiocu odmah prijaviti svaku vrstu štete, nedostatke i neispravnosti na vozilu, sačiniti posebna izvještaj i iste konstatovati u Tehničku knjižicu vozila i Evidenciju o korištenju motornih vozila.

- (4) U slučaju učestvovanja u saobraćajnoj nezgodi sa vozilom iz člana 2. ove instrukcije uposlenik je dužan upoznati nadređenog rukovodioca, koji o saobraćajnoj nezgodi odmah obavještava Operativni centar, koji će naložiti formiranje ekipe za vršenje uviđaja od strane policijskih službenika Odjeljenja za saobraćajne istrage Sektora uniformisane policije.

Član 12.

(Korištenje vozila)

- (1) Vozila iz člana 2. ove instrukcije, u slučajevima kada nadležni rukovodilac ocijeni da je za obavljanje službene radnje ili izvršenje zadatka neophodno korištenje vozila, koriste se isključivo za obavljanje službenih poslova i zadataka.
- (2) Izuzetno od odredbe stava (1) ovog člana, vozilo se, uz prethodnu saglasnost ili odobrenje policijskog komesara, može koristiti i u sljedećim slučajevima:
- protokolarne usluge, odnosno prijevoz delegacija i gostiju Uprave policije, u skladu sa programom njihovog boravka,
 - prijevoz u slučaju teške bolesti zaposlenika, kao i prijevoz članova uže porodice u slučaju smrti zaposlenika Uprave policije,
 - prijevoz sindikalnih aktivista u skladu sa odredbama važećeg Kolektivnog ugovora za između Vlade Kantona Sarajevo i Sindikata policije Kantona Sarajevo,
 - prijevoz uposlenika Uprave policije i Ministarstva unutrašnjih poslova Kantona Sarajevo.
- (3) Vozila se ne mogu koristiti za prijevoz na posao i sa posla uposlenika Uprave policije, kao i za obavljanje privatnih poslova.
- (4) Policijski komesar, s obzirom na prirodu posla koji obavlja, može koristiti vozilo tokom svih 24 sata u toku dana, a u skladu sa Pravilnikom može angažovati vozača.
- (5) Policijski komesar može rukovodiocima organizacionih jedinica u Upravi policije odobriti korištenje vozila u toku svih 24 sata, radi obavljanja poslova i zadataka iz njihove nadležnosti.

Član 13.

(Raspored i zaduženje vozila)

- (1) Policijski komesar će posebnim aktom, koji priprema Sektor za materijalno-finansijske poslove Uprave policije, izvršiti raspored i zaduženje vozila po organizacionim jedinicama Uprave policije.
- (2) Na osnovu akta iz stava (1) ovog člana, odredit će i odgovornog rukovodioca organizacione jedinice za provođenje nadležnih poslova iz stava (1) ovog člana.
- (3) Nakon donošenja akta iz stava (1) ovog člana, rukovodilac organizacione jedinice Uprave policije dužan je sačiniti Plan korištenja vozila koja se nalaze na zaduženju u organizacionoj jedinici kojom rukovodi, koji mora biti u skladu sa odredbama ove instrukcije.
- (4) Planom korištenja vozila rukovodilac organizacione jedinice će odrediti dva ili više policijskih službenika unutar organizacione jedinice, koji će vršiti periodični pregled (smotru) svih zaduženih vozila, a o izvršenom pregledu (smotri) su dužni sačiniti poseban zapisnik.
- (5) Rukovodilac organizacione jedinice iz stava (2) ovog člana je u obavezi najmanje dva puta godišnje putem pisanog izvještaja obavještavati policijskog komesara o općem stanju vozila koja se nalaze na zaduženju u organizacionoj jedinici, kao i o svim drugim bitnim činjenicama koje se odnose na svako pojedinačno vozilo.

Član 14.

- (Izdavanje putnog naloga i vođenje Tehničke knjižice vozila)
- Za korištenje vozila Uprave policije mjesečno se izdaje putni nalog na odgovarajućem unificiranom obrascu.
 - Putne naloge za korištenje vozila, rukovodiocima osnovnih organizacionih jedinica potpisuje policijski komesar ili lice koje on ovlasti, a putne naloge za korištenje vozila u okviru osnovnih organizacionih jedinica Uprave policije, potpisuje rukovodilac osnovne organizacione jedinice.
 - Putni nalog za vozilo kojim se vrši službeno putovanje van područja Kantona Sarajevo ili u inostranstvo izdaje policijski komesar ili lice koje on za to ovlasti.
 - Uposlenik Uprave policije koji upravlja vozilom dužan je evidentirati svako korištenje vozila u putni nalog, Evidenciju o korištenju motornih vozila (E-140) i Tehničku knjižicu vozila.
 - Putni nalozi, Evidencija o korištenju motornih vozila i Tehnička knjižica vozila čuvaju se pet godina od dana zaključivanja istih.

Član 15.

(Održavanje vozila)

- Šef Auto-servisa odgovoran je za tehničku ispravnost vozila Uprave policije, koja se odnose na redovno održavanje (pranje, čišćenje vozila, podmazivanje, promjena ulja i maziva, rashladnih tečnosti i sl.) i njihovu upotrebu.
- Šef Auto-servisa dužan je da prati tehničke normative za servisiranje vozila, auto-gume, sklopove i druge dijelove koji su navedeni u listi proizvođača.
- Šef Auto-servisa odgovoran je za ažurno vođenje evidencija o utrošku pogonskog goriva, maziva i ostalih sredstava potrebnih za održavanje vozila, praćenje naplate štete od osiguravajućih društava za vozila, predlaganje izdavanja naloga za opravku vozila i nabavku rezervnih dijelova.

Član 16.

(Nadzor)

- Nadzor nad provođenjem odredbi ove instrukcije vršiće Odjeljenje za unutrašnji nadzor, koordinaciju i usmjeravanje Sektora uniformisane policije, kao i rukovodioci organizacionih jedinica u kojima su raspoređena vozila, svako iz svoje nadležnosti.
- Korištenje vozila suprotno odredbama ove instrukcije, u skladu sa odredbama zakona i drugih propisa može predstavljati povredu službene dužnosti.

DIO ČETVRTI - PRIJELAZNE I ZAVRŠNE ODREDBE

Član 17.

(Izgled vozila za kojim je prestala potreba za njegovim korištenjem)

Kada prestane potreba za korištenjem vozila iz člana 2. ove instrukcije, u slučaju prodaje ili uništenja vozila ili drugim opravdanim slučajevima, sa vozila se uklanjaju sva obilježja i natpisi, oprema u vozilu i na vozilu, te se demontiraju sredstva veze i uređaji za davanje posebnih zvučnih i svjetlosnih signala, koji su postavljeni u skladu sa odredbama ove instrukcije.

Član 18.

(Prestanak važenja ranijih propisa)

Stupanjem na snagu ove instrukcije prestaju da važe propisi kojima je regulisana oblast koja je predmet ove instrukcije.

Član 19.

(Stupanje na snagu)

Ova instrukcija stupa na snagu osam dana nakon njenog objavljivanja u "Službenim novinama Kantona Sarajevo".

Broj 01-7-04-4026/20

18. augusta 2020. godine

Ministar

Mr. Ismir Jusko, s. r.

**Ministarstvo za obrazovanje, nauku i mlade
Kantona Sarajevo**

Na osnovu člana 12. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11, 7/12, 37/13, 16/14 i 6/17), ministar za obrazovanje, nauku i mlade Kantona Sarajevo donosi

PRAVILNIK

**O IZMJENI PRAVILNIKA KOJIM SE UREĐUJE
FORMIRANJE KOMISIJE ZA PROVOĐENJE JAVNOG
POZIVA, KAO I POSTUPAK PO JAVNOM POZIVU, ZA
DODJELU SREDSTAVA NEPROFITNIM
ORGANIZACIJAMA I UDRUŽENJIMA
NAMJENJENIH ZA
FINANSIRANJE/SUFINANSIRANJE PROJEKATA IZ
OBLASTI MLADIH IZ BUDŽETA KANTONA
SARAJEVO SA POZICIJE MINISTARSTVA ZA
OBRAZOVANJE, NAUKU I MLADE KANTONA
SARAJEVO**

Član 1.

(Izmjena člana 3. Pravilnika)

U Pravilniku kojim se uređuje formiranje Komisije za provođenje javnog poziva, kao i postupak po javnom pozivu, za dodjelu sredstava neprofitnim organizacijama i udruženjima namijenjenih za finansiranje/sufinansiranje projekata iz oblasti mladih iz Budžeta Kantona Sarajevo sa pozicije Ministarstva za obrazovanje, nauku i mlade Kantona Sarajevo ("Službene novine Kantona Sarajevo", broj 31/13), u članu 3. stav (2) treća odnosno posljednja alineja, mijenja se i glasi:

"- jedan član kojeg predloži Vijeće mladih Kantona Sarajevo."

Član 2.

(Stupanje na snagu Pravilnika)

Ovaj Pravilnik stupa na snagu danom objavljivanja u "Službenim novinama Kantona Sarajevo".

Broj 11/05-02-23635/20

14. augusta 2020. godine

Sarajevo

Ministar

Mr. Anis Krivić, s. r.

OPĆINA NOVO SARAJEVO**Općinski načelnik**

Na osnovu Statuta Općine Novo Sarajevo - Prečišćeni tekst ("Službene novine Kantona Sarajevo", broj 5/2020), i Odluke o izvršavanju Budžeta za 2020. godinu broj 02OV-14-3837/19 od 30.12.2019. godine ("Službene novine Kantona Sarajevo", broj 2/20) i Odluke o izmjeni Odluke o izvršavanju Budžeta za 2020. godinu broj 02OV-11-3604/20 od 28.05.2020. godine ("Službene novine Kantona Sarajevo", broj 22/20), Općinski načelnik donosi

ZAKLJUČAK**O PRERASPODJELI BUDŽETSKIH SREDSTAVA**

I. Planirani rashodi u Budžetu Općine Novo Sarajevo za 2020. godinu preraspoređuju se kako slijedi:

Rb.	Fond	Ekonomski kod	Budžetska pozicija	Smanjenje	Povećanje
1.	01	614200	Grant za jednokratne naknade za porodilje po rođenju blizanaca, trećeg i svakog narednog djeteta	8.000,00	
2.	01	614200	Grant - obaveznog zdravstvenog osiguranja lica u stanju socijalne potrebe		8.000,00
3.	01	613300	Održavanje higijene zgrade općine i MZ	15.000,00	
4.	01	613300	Izdaci za vodu i kanalizaciju		11.000,00
5.	01	613700	Izdaci za tekuće održavanje opreme		4.000,00
6.	01	613700	Izdaci za održavanje napuštenih stanova	8.000,00	
7.	01	614200	Izdaci za alternativni smještaj		6.000,00
8.	01	613900	Ostale usluge		2.000,00
9.	01	615100	Investicije u energetska efikasnost javnih objekata	30.000,00	
10.	01	615200	Investicije u energetska efikasnost objekata individualnog stanovanja - sufinansiranje putem SERDE		30.000,00
UKUPNO				61.000,00	61.000,00

- II. Ukupno raspoređena sredstva iz tačke I. ovog Zaključka, u odnosu na ukupno planirana sredstva Budžeta Općine Novo Sarajevo u tekućoj budžetskoj godini iznose 0,19%.
- III. Za realizaciju ovog Zaključka zadužuje se Služba za privredu, budžet i finansije.
- IV. Ovaj Zaključak stupa na snagu narednog dana od dana objavljivanja u "Službenim novinama Kantona Sarajevo".

Broj 05-11-6087/20

30. jula 2020. godine
SarajevoOpćinski načelnik
Nedžad Koldžo, s. r.

Na osnovu Statuta Općine Novo Sarajevo - Prečišćeni tekst ("Službene novine Kantona Sarajevo", broj 5/2020), i Odluke o izvršavanju Budžeta za 2020. godinu broj 02OV-14-3837/19 od 30.12.2019. godine ("Službene novine Kantona Sarajevo", broj 2/20) i Odluke o izmjeni Odluke o izvršavanju Budžeta za 2020. godinu broj 02OV-11-3604/20 od 28.05.2020. godine ("Službene novine Kantona Sarajevo", broj 22/20), Općinski načelnik donosi

ZAKLJUČAK**O PRIHVATANJU I RASPOREĐIVANJU SREDSTAVA GRANTA U BUDŽET OPĆINE NOVO SARAJEVO**

- I. Odobrava se unos namjenskih sredstava u Budžet Općine Novo Sarajevo za 2020. godinu u iznosu od 345.000,00 KM, tako da ukupni prihodi i primici te rashodi i izdaci Bužeta Općine Novo Sarajevo za 2020. godinu umjesto 31.820.000,00 KM iznose 32.165.000,00 KM.
- II. Prihodi iz tačke I ovog Zaključka u ukupnom iznosu od 345.000,00 KM čine:
- ostvareni prihodi na ekonomskom kodu 732112 - Grant sredstva Vlade FBiH za pomoć budžetu u svrhu sanacije posljedica nastalih uslijed proglašenja stanja pandemije COVID-19 u iznosu od 125.000,00 KM i
 - ostvareni prihodi na ekonomskom kodu 742112 - Grant sredstva Vlade FBiH za sufinansiranje